

Europako laguntzen beharra azpimarratu dute Iparraldeko alderdietako ordezkariak


Brissonek dio Departamenduaren arriskua azaltzen duela, eta Larralde, berriz, premia

Hur Gorostiaga / Baiona

Europako Batasuneko laguntza estrukturalak eskuratzeko eremuan Ipar Euskal Herria kokatu beharra ezinbestekotzat jotzen atzo Iparraldeko alderdietako ordezkariak. Max Brisson (RPR) adierazi zuen horrek Euskal Departamenduaren «arriskua» agerian uzten duela, eta Xabi Larralde (AB), berriz, kontrakoa, «premia» agerian uzten duela. Maitiak (PS) ez dela kezkatzerik erran zuen.

DATAR Lurralde Antolakuntzarako frantziar egitura publikoak Lapurdi eta Nafarroa Beherea 2000-2006 urtealdiko Europako Batasuneko laguntza estrukturalen eremutik kanpo kokatu ondoren, Iparraldeko alderdien ordezkariak laguntza horien beharra azpimarratu zuten atzo EGUNKARIARI egin dako adierazpenetan, milioiak gal ez daitezen. DATAR-en erabakia behin-behinekoa bada ere, «mugitu» beharra adierazi dute.

Max Brisson RPR alderdiko euskal bozeramaile eta eskualde kontseilariak adierazi zuen «ezin onartuzkoa» dela DATAR-ek Ipar Euskal Herriaren zatirik handiena laguntza eremutik kanpo uztea. «Bagenekien Frantzia osoan laguntzen eremua %27 murriztuko zela, baina Akitanian gehien kaltetua izatea ez dezakegu onar. Bereziki



BOB EDMÉ

Frantxua Maitia, euskal sozialisten bozeramaile, artxiboko irudi batean.

harrigarri da nolaz Alain Rousset lehendakariak ez duen mikorik erran gaiari buruz, jakinik Iparraldea bere osotasunean baztertuta zela», adierazi du. Gisa berean, tokiko hautetsiak gai horri buruz ez galdekatu izana salatu du Brissonnek.

«Iparraldea kanpo uztea kalkulu matematiko baten ondorioa izan da. Kostaldean dagoen barne produktu gordinak eta, bereziki, Miarritze eta Donibane-Lohizune aldean dauden jende aberatsek maila ertaina igo dute, eta, ondorioz, barnealdea ere deus gabe gelditu da. Horrek erakusten du Euskal Depar-

tamendua balitz barnealdea galtzen ateratzeko arriskua litzatekeela», gehitu zuen.

Xabi Larralde Abertzaleen Batasuneko bozeramaileak, aldiz, «Euskal Departamendurekin halako erabakien aitzinean Iparraldearen interesak hobeki defenditzen» ahalko liratekeela adierazi zuen, Pirinio Atlantikokoek afera honetan Iparraldearekin erakutsi duten axolagabeke-ria salatzeke. Alain Lamas-sourek (UDF) eremuaren fin- kapena auzoen arabera eta ez kantonamenduen arabera egitea galdegin zuen, Baiona eta Miarritzeko hirierdia, portua, aireportua eta Angeluko

unibertsitate campusa segurtatzeko gisan.

Maitia: «Ez da kezkatzerik»

Frantxua Maitia euskal sozialisten bozeramaile eta eskualde kontseilariak kezkatzerik ez dela adierazi zigun bart. «Aste honetan Bordelen goi mendiari buruz izan dugun bilkuran, Zuberoa eta Nafarroa Behereko mendialdia laguntza eremuetan izanen dela ziurtatu zaigu», adierazi zuen. Gisa berean, «Iparralde kasik osoa kontuan hartua» izanen dela segurtatu zuen, Baiona-ko portua barne.

Gernikako EAJ, EA, EH, ELA, LAB eta hainbat taldek bihar prozesuaren aldeko mobilizazioan parte hartzera deitu dute

■ Guardia Zibilaren kuartelera manifestazioa egingo dute, Hego Euskal Herriko hainbat herritan bezala

Erredakzioa / Donostia

AMNISTIAREN ALDEKO BATZORDEEK prozesu politikoaren alde eta kanpoko esku-hartzeen kontra urriaren 12aren inguruan antolatutako mobilizazioek atxikimendu ugari jaso dituzte herri-herri. Kasurik aipagarriena Gernikakoa da. Izan ere, bihar Udaletxeko plazatik irten eta Guardia Zibilaren kuartelean amaituko den manifestaziorako deialdi zabala egin dute herriko taldeek.

Deialdiarekin bat egin dute EAJ, EH, EA eta Zutik alderdiek, ELA, LAB, EHNE eta ENBA sindikatuek eta EGI, Jarrai, Elkarri, Gernika Batzordea, Askagintza eta Malatxa taldeek. Manifestazioa arratsaldeko 20:00etan abiatuko da.

Bestalde, Altsasun larunbatean egingo dute manifestazioa, Hego Euskal Herriko kuarteletan egingo diren beste manifestazio guztiak ostiralean izango diren arren. Eskualdeko 9 udalek egin dute

Altsasuko manifestazioan parte hartzeko deialdia: Irurtzun, Etxarri-Aranatz, Zierdia, Olazti, Urdiain, Iturmen- di, Ergoiena eta Arbizu. Aipatu udalek bat egin dute urriaren 12ko manifestazio nazionalarekin ere, egun hori «kolonializazio, militarizazio, zapalkuntza eta arrazismoa- rekin» lotzen baitute.

Ostiralean, Bizkaian, Algorta, Galdakao, Barakaldo, Ondarroa eta Sodupen egingo dituzte kontzentrazio eta manifestazioak; Gipuzkoan, Za-

rautz, Tolosa eta Azpeitian; eta Nafarroan, Agoitz, Barañain, Leitza eta Tafallan. Larunbatean, Araban, Aiala, Motxotegi eta Laudion egingo dituzte mobilizazioak; eta Gipuzkoan, Ordizia, Oñati eta Irunen. Larunbatean Hegoaldeko hiriburuetan ere egingo dira manifestazioak.

Asteartean, urriaren 12an, prozesu politikoaren aldeko manifestazio nazionala egingo da Donostiako Intxaurren- do auzoko kuartelaren inguruan, EHk deituta.

Jose Ramon Etxebarria epaitu dute, «autoritatearen kontrako atentatuagatik»

■ Lau ertzainek kartel bat kendu zutelako jazo ziren ika-mikak

Joseba Arruti / Bilbo

JOSE RAMON ETXEBA-RRIA EHUKO irakasle kaleratua epaitu zuen atzo Bilboko 9. Epaitegiak. Etxebarriari «autoritatea- ren aurkako atentatua» leporatzen diote, iazko martxoaren 12an Santutxun lau ertzainekin izan- dako gorabeherengatik. Etxebarriak berak azaldu zuenez, «aurreko egunean Jon Ander Couceiro gaztea Ertzaintzak pilotakada batez larri zauritu ondo- ren, Artagan kultur elkar- tearen egoitzan jokabide hori salatzen zuen kartel bat jarri zen. Bertatik irte- ten ari nintzenean, lau ertzainak ikusi nituen, kartela eskuetan zutela. Egiten ari zirena gaitzetsi nuenean, identifikatzeko eskatu zidaten eta, horri uko egin ondoren, atxilo- tuta eraman ninduten».

Atxilotu aurretik jazota- koen inguruan ez datoz bat Etxebarriaren eta Er- tzaintzaren bertsioak. Er- tzainek «hiltzaile» deitu ziela, aterki batekin eraso ziela eta ertzainetako bati betaurrekoak apurtu ziz- kiola egotzen diote Etxeba- rriari. Hark, hala ere, ho- riek guztiak ukatzen ditu. Fiskalak 30 eguneko isuna eskatu zuen, egun horieta- ko bakoitzeko mila pezeta- koa, eta 36.000 pezeta ba- lio bide zuten betaurreko- ak ordaintzeko ere bai. Epaketan lau ertzaineta- tik bik hartu zuten parte, bata kaltetu gisa eta bes- teak lekuko modura.

Epaiketa, euskaraz

Jose Ramon Etxebarriaren epaiketa euskaraz egin zen, nahiz eta akta gaztela- niaz idatzita egon. Horrez gain, itzultzailearen lana- rekin ere defentsa ez zen konforme geratu, eta Inigo Santxo abokatu defenda- tzaileak «defentsa eskubi- de eskasarekin sentitzen» zirela azaldu zuen. Ondo- rioz, epaiketa «bidezkoa» ez zela izaten ari eta akta si- natzeari uko egingo ziola jakinarazi zuen Santxok. Horren ostean, epaiketa sententziaren zain geratu zen.